



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE GJAKOVË

Numri i lëndës: 2018:020444

Datë: 31.07.2018

Numri i dokumentit: 00094086

P. nr. 31/18

NË EMËR TË POPULLIT

GJYKATA THEMELORE NË GJAKOVË-Departamenti i Përgjithshëm, Gjyqtarja **Ilirjana Hoti**, me sekretaren juridike Flutur Nagavci, në çështjen penale kundër të akuzuarit L. Sh. nga Gjakova, për shkak të veprës penale lëndim i lehtë trupor nga neni 188/1 -1.4 të KPRK-ës, sipas Aktakuzës të Prokurorisë Themelore-DP në Gjakovë, PP/II.nr.695/17 të datës 17.01.2018, në shqyrtimin gjyqësor fillestar të mbajtur më datë **31.07.2018**, në prani të Prokurorit të shtetit Armend Zenelaj, të dëmtuarit L. E., perf. i autorizuar i tij, av. S. D. si dhe të akuzuarit, mori dhe publikisht shpalli këtë:

A K T G J Y K I M

I akuzuari **L. SH.** nga Gjakova, Rr.”...”, i biri J. dhe i nënës K. e gjinisë T., data e lindjes . . . ne Gjakove, ka të kryer shkollën fillore, punëtor në botën e jashtme, e gjendjes së mesme ekonomike, shqiptar, shtetas i R. Kosovës, i martuar atë i 3 fëmijëve, me ID

Ë s h t ë f a j t o r :

Sepse:

- **me datë 21.04.2017**, rreth orës **14.40 min**, në Gjakovë, Rr”...“, i shkakton lëndime të lehta trupore të dëmtuarit L. H. E., nga Gjakova, Rr”...”, në atë mënyrë që për shkak të një mosmarrëveshjeje të më shumë, e kur takohet në rrugë i dëmtuari me të akuzuarin e i thotë me fjalë” a mundë të bisedojmë diçka “ e këtë e kundërshton i akuzuari, e më pas i akuzuari e sulmon fizikisht dhe e godet me grushte pjesëve të trupit, e nga goditjet të dëmtuarit i shkakton lëndime të lehta trupore, sipas ekspertizës mjeko-ligjore të Dr. F. D. dt. 15.01.2018.

- **me çka ka kryer veprën penale lëndim i lehtë trupor nga neni 188/1-1.4 të KPRK-ës**

Andaj Gjykata në mbështetje të nenit 4,41,43,46,73, nenit 188 par.1-1.4 të KPRK-së dhe nenit 365 të KPP, të akuzuarit i shqipton;

DËNIM ME GJOBË

Dënim gjobë në shumë prej **250 (dyqind e pesëdhjetë) euro**, të cilin shumë obligohet që ta paguaj në afat prej 150 ditësh , pasi që Aktgjykimi të merr formë të prerë e nën kërcënim të përmbarrimit me dhunë.

Nëse dënimi me gjobë nuk mund të ekzekutohet as me detyrim dhe në forma tjera të parapara sipas nenit 46 të KPK-së ,atëherë i njëjti i zëvendësohet me dënim burgimi në kohëzgjatje prej **12 (dymbëdhjetë) ditësh** ,duke llogaritur për çdo ditë burgu prej **20,- €(njëzetë)**

I akuzuari obligohet që në emër të shpenzimeve gjyqësore të paguaj shumën prej **20.00 €** (në emër të ekspertizës mjeko-ligjore) si dhe në emër të paushallit gjyqësor shumën prej **20.00 euro** ,në afat prej **15 ditëve**, pasi që Aktgjykimi të merr formë të prerë ,nën kërcënim të përmbarrimit me dhunë.

A r s y e t i m

Prokuroria Themelore - DP në Gjakovë, ka ngritë aktakuzën, PP.nr.695/17 të datës 17.01.2018, kundër të akuzuarit L. Sh. nga Gjakova ,për shkak të veprës penale lëndim i lehtë trupor nga neni 188 par.1 të KPK-së .

Gjatë shqyrtimit fillestar të mbajtur me të datë 31.07.2018, Prokurori i shtetit Armend Zenelaj lexojë aktakuzën PP.nr. 695/17 të datës 17.01.2018 dhe deklaroi se mbetet në tërësi pranë aktakuzës, por beje përmirësimin lidhur me kualifikimin ku neni 188 par. 1 i shtohet pika 1.4, ndërsa pjesa tjetër mbetet e pandryshuar.

I akuzuari L. Sh. ,gjate shqyrtimit fillestar duke u deklaruar lidhur me fajësinë thekson se e pranon në tërësi fajësinë sipas aktakuzës me të cilën pandehet duke i ditur edhe me pare pasojat e pranimi të fajësisë dhe atë në mënyrë vullnetare dhe pa presion, kërkojë falje nga i dëmtuari për lëndimin e shkaktuar ,premtojë se një veprim i tillë nuk do të përsëritet, më të dëmtuarin asnjëherë me pare unë personalisht nuk kam pasur probleme, andaj i propozojë gjykatës që të merr parasysh rrethanat lehtësuese si pranimi i fajësisë si dhe faktin se është hera e pare që kam ra ndesh me ligjin të me shqiptojë një dënim me të butë .

I dëmtuari L. E. nuk e kundërshton pranimin e fajësisë nga ana e të akuzuarit, nuk i bashkëngjitet ndjekjes penale dhe nuk kërkon kompensim demi.

Duke u deklaruar lidhur me pranimin e fajësisë nga ana e të akuzuarit, prokurori i shtetit Armend Zenelaj deklaroi se nuk e kundërshton pranimin e fajësisë pasi që i njëjti është i vetëdijshëm për pasojat dhe favoret juridike të pranimi të fajësisë dhe se aktakuza ka mbështetje ligjore dhe prova të mjaftueshme, i propozojë gjykatës se i akuzuari L. Sh. të shpallet fajtor, të dënohet sipas ligjit dhe të obligohet në pagesën e shpenzimeve procedurale dhe .

Në shqyrtimin fillestar gjykata ka vërtetuar këtë gjendje faktike :

Në tërësi u vërtetua se i akuzuari L. Sh. , **me datë 21.04.2017** ,rreth orës **14.40 min**, në Gjakovë, Rr”...“i shkaktonte lëndime të lehta trupore të dëmtuarit L. H. E., nga Gjakova ,Rr”....” nr. 39, në atë mënyrë që për shkak të një mosmarrëveshjeje të më parme, e kur takohet në rrugë i dëmtuari me të akuzuarin e i thotë me fjalë” a mundë të bisedojmë diçka “e këtë e kundërshton i akuzuari , e më pas i akuzuari e sulmon fizikisht dhe e godet me grushte pjesëve të trupit, e nga goditjet të dëmtuarit i shkaktonte lëndime të lehta trupore ,sipas ekspertizës mjeko –ligjore të Dr. F. D.dt. 15.01.2018.

Gjykata gjendjen e këtillë faktike e ka vërtetuar nga vet pranimi i fajësisë nga të akuzuarit të cilët në shqyrtimin fillestar vullnetarisht e kanë pranuar fajësinë ,për shkak të se cilës gjykata nuk ka administruar provat , gjykata ka ardhur në përfundim se pranimi i fajësisë nga i akuzuari është bere në pajtim me nenin 248 të KPPK-ës. Gjate pranimit të fajësisë gjyqtari i vetëm gjykues konstatojë se i akuzuari ka kuptuar natyrën dhe pasojat e pranimit të fajësisë ,pranimi është bërë vullnetarisht nga i akuzuari, pranimi i fajësisë mbështetet në faktet dhe provat që i përmban aktakuza ,në materialet e prezantuara nga prokurori i shtetit dhe çdo provë tjetër dhe se aktakuza nuk përmban asnjë shkelje të qarte ligjore ose gabime faktike .

Gjykata nga të cekurat më lartë ka ardhur në përfundim se në veprimet e të akuzuarve formohen të gjitha elementet e veprës penale të përshkruara si në dispozitiv të këtij aktgjykimi dhe për këtë ka vendosur që të akuzuarit të shpalle fajtor dhe ta gjykojnë në bazë të ligjit ,me pare duke vërtetuar përgjegjësisë penale juridike të tij.

Me rastin e marrjes së vendimit mbi dënimin ndaj të akuzuarit, gjykata ka pasur parasysh të gjitha rrethanat nga neni 73 të KPK-së ,të cilat ndikojnë në zbutjen apo ashpërsimin e dënimit. Rrethana rënduese nuk gjeti ndërsa si rrethana lehtësuese gjykata ka marrë parasysh personalitetin e të akuzuarit se është baba i 3 fëmijëve , pranimin e vullnetshëm të fajësisë nga i akuzuari, premtimin se nuk do të përsërisë vepra penale ,sjelljen korrekte në gjykim, kërkim falja nga i dëmtuari për lëndimin e shkaktuar, pendimin e shprehur për veprën e kryer , deklarimi i të dëmtuarit se nuk i bashkëngjitet ndjekjes penale dhe nuk kërkon kompensim demi , faktin se më parë nuk ka qenë i dënuar ,të gjitha këto ndikuan që Gjykata ka ardhur në përfundim që të akuzuarit të shqiptoj dënim me gjobë në shume prej 250 (dyqind e pesëdhjetë) euro ,me të cilin dënim do të arrihet efekti dhe qëllimi i tij nga neni 41 KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer, shkallen e përgjegjësisë së të akuzuarit dhe me rrethanat personale të cilat i posedon i akuzuari.

Vendimi mbi shpenzimet e procedurës penale dhe paushalli gjyqësor bazohet në dispozitat e nenit 450 par.1 dhe 2 nën paragrafi 2.1 dhe 2.6 të KPPK-së.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,
P. nr. 31/18 më datë 31.07.2018**

**Sekretarja juridike,
Flutur Nagavci**

**Gj y q t a r j a,
Ilirjana Hoti**

KËSHILLA JURIDIKE: Kundër këtij Aktgjykimi mund të paraqitet ankesë ,në afatin prej 15 ditësh nga dita e marrjes së tij në dorëzim Gjykatës së Apelit në Prishtinë. Ankesa në kopje të mjaftueshme i dorëzohet kësaj Gjykate.